

Misilitsinnernut ilitsersuut Kalaallit oqaasii



NAALAKKERSUISUT
GOVERNMENT OF GREENLAND

Ilinniartitaanermut Aqutsisoqarfik
Juuni 2020

Imarisai	
Aallaqqaasiut	2
Misilitsinnerit ataatsimut isigalugit	2
Pisinnaasanik misilitsinneq	2
Naliliineq	3
Ikiuutit	3
Allattariarsorluni misilitsinneq	3
Misilitsissutit	3
Oqaloqatigiinneq	4
Naliliineq	4
Naliliinermi tunngavissat	4
Qarasaasiamik atuineq	6
Ikiuutinik atuineq	6
Oqaluttariarsorneq	6
Pisassiissutit	7
Misilitsissutissat	9
Misilitsinnerup ingerlanera	10
Atuartup allattugaatai	10
Misilitsinnermi saqqummiineq, oqaloqatigiinneq naliliinerlu	10
Naliliineq	11
Naliliinermi tunngavissat	11
Ilangussaq 1: Allattariarsorluni misilitsinnermi naliliissut	14
Ilangussaq 2: Oqaluttariarsorluni misilitsinnermi nalilersuut	15
Ilangussaq 3: Allattariarsornermi karakterit oqaasertassaanut siunnersuut	16
Ilangussaq 4: Oqaluttariarsornermi karakterit oqaasertassaannut siunnersuut.	17

Aallaqqaasiut

Namminersornerullutik Oqartussat nalunaarutaanni kalaallit oqaasiini atuartitsinermi alloriarfiit siunertaat, atuartitsissutip siunertaa ilikkagassatullu anguniagassat sisamanut immikkoortinneqarput:

- Attaveqaqatigiittarneq
- Paasissutissarsiorneq
- Kulturi aamma inuuniarnikkut atugassarititaasut
- Aaqqissuussamik oqaatsinik suliaqarneq oqaatsinillu pigiliussiniarneq

Immikkoortut allattariarsornermi oqaluttuariarsornermilu misilitsinnerni tunngaviupput, misilitsinnermilu atuartut ilisimasaat pisinnaasaallu immikkoortunut taakkununga sanilliullugit nalilersorneqassapput.

Misilitsinnerit ataatsimut isigalugit

10. klassemi allattariarsornermi oqaluttariarsornermilu misilitsittoqartarpoq.

Allaaserinninnermi misilitsinnerit tamanit misilitsiffigineqartussat marluupput, pisinnaasanik allattariarsornermilu misilitsinnerit. Ilinniartitaanerup Aqutsisoqarfiup makitsineragut oqaluttariarsornermi misilitsittoqarsinnaavoq, novembarimilu atuarfeqarfiit makitaasut nalunaarfigineqartarput.

Kalaallit oqaasiini oqaluttariarsornermi misilitsinnissaq makinneqartinnagu atuartup misilitsinnissani kissaatigisinnaavaa.

Pisinnaasanik allattariarsornermilu misilitsinnerit aprilimi majimiluunniit pisarput, oqaluttariarsornermilu misilitsinnerit majimi junimiluunniit pisarlutik.

Pisinnaasanik misilitsinneq

Pisinnaasanik misilitsinneq akunnermik ataatsimik sivissussuseqarpoq.

Pisinnaasanik misilitsissutit suliasartaat assigiissaagaapput ukiullu tamaasa atoqqinneqartarlutik. Ukiumut suliasat 10%-ii taarserneqarsinnaapput, akisassallu multiple choiseukkajupput, tassa akisassani si-samaasuni ataaseq eqqortuusarluni.

Ilkkagassatut anguniagassat uku misilitsinnermi tunngaviupput:

- Paasissutissiiffinnit paasissutissanik ujarlersinnaassasut.
- Ordbogit ujarlerfii imaalu atorsinnaassagaat.
- Atuarfaatsit assigiinngiiaartut, tassaasut pingaarnersuineq, immikkoortukkaarineq atuaqqissaarnerlu, siunertaq naapertorlugu atorsinnaassagaat.
- Kalaallit oqaasiisa ilusilersugaanerisa pingaarnersai, taggisit, oqaluutit, kinaassusersiutit, kingulleqqiutit, uparuartorniutit, oqaaseqqat, oqaqqarniutit aamma taggisit oqaluutillu uiggiutaat kiisalu oqaaseqatigiit ilusilernerit ilisimasaqarfigissagaat.

Suliasat assigiinngitsuupput, oqaluutit naanerilu, taggisit kingulleqqiutaallu, uiguutit uiguutillu annerit, oqaaseqqat, allaaseq, oqaaseqatigiilerineq, oqaatsinik paasinnineq, soorlu oqaatsit assigiimmik isumallit, atuakkamik paasinnineq assigisaallu. Assersuutit takukkit: www.iserasuaat.gl

Naliliineq

Pisinnaasanik misilitsinnerit atuartut ilinniartitsisuannit Aqutsisoqarfiullu censoritut ivertitaanit nalilerneqartarput. Ukiut tamaasa forcensurertoqareeraangat nalilersuinnermut pointinillu kisitsinnermut ilitsersuut agguanneqartarpoq. Akissutit 90-100-usut eqqortut naapertorlugit pointilersuisoqartarpoq.

Ikiuutit

Pisinnaasanik misilitsinnermi ordbogit, oqaatsillu isumaannut ordbogit killiffilersuutillu¹ atorneqarsinnaaput.

Allattariarsorluni misilitsinneq

Allattariarsornermi misilitsinneq 4 tiiminik sivilissuseqarpoq, annerpaamik 1 tiimi oqaloqatigiinnermut minnerpaamillu 3 tiimit kisimiilluni allannermut atorneqassapput. Taakku qaavisigut oqaloqatigiiffimmit kisimiilluni allaffissamut minutsit 15-it atorneqassapput.

Misilitsissutissat sisamanik tallimanilluunniit suliassartaqartarput, atuartullu ataaseq suliarissavaa.

Allattariarsorluni misilitsinnermi ilikkagassatut anguniagassat toqqammaviupput, atuartut:

- Takorluukkat, misigissutsit, eqqarsaatit, misilittakkat ilisimasallu pillugit pisunut naleqqussakkamik ataqatigiissumik, nalunaatsumik allanngorarluartumillu allaatiginnissinnaalissapput,
- Tiguisissamut aalajangersimasumut toqqaannartumik allagaqarsinnaalissapput.
- Allannissap siunertaanut tulluarnepaamik allatap suunissaanik, piviususaartitamik imaluunniit piviusumik siunniussinnaalissapput,
- Oqaluttuareqqiinerlut, nassuiaanerlut, naalisaanerlut, oqaluttuarnertut, oqaaseqarfiginninnerlut isummanik saqqummiussinerlut isumaliornertullu allaatiginnissinnaalissapput,
- Isumassarsiornermit naammassinnermut namminersorlutik allassinnaalissapput
- Oqaluttariarsornerit allattariarsornerillu suuneri ilisimasaqarfigissavaat

Ilkkagassatut anguniagassat aallaavigalugit atuartut **ataqatigiissumik** allassinnaanerat misilinneqassaaq, tassanilu ilaapput atuartut siunertartik aallaavigalugu allatamik **suunissaannik** siunniussinnaanerlut, **tiguisissamut** aalajangersimasumut allagaqarsinnaanerlut, misigissutsimik, eqqarsaatimik, misilittakkamik ilisimasamillu **naleqqussarlugit** allassinnaanerat, allannerminni allariaatsit pisinnaasaqarfissat, tassaasut oqaluttuareqqiineq, nassuiaaneq, tunngavilersuilluni isummersorneq isumaliutiginninnerlu.

Misilitsissutit

Suliassat sisamaasinnaapput tallimaallutilluunniit. Suliakkiutit kalaallisut qallunaatullu allaqqasarput.

Atuartoq suliakkiummik aallaaveqartinneqartarpoq:

- Allattup inissimaffiata erseqqissarneragut, soorlu *AG-ip inuusuttut isumaat tusarusuppaa*.
- Suliassaq atuagassartaluk assitalilluunniit sammisamik ersersitsisoq allannermilu aallaaviususaaq.
- Atuartussat imaluunniit tiguisissat ersarissarneqarsinnaasarput *AG-mut eqqarsaatissiisummik allagit*, imlt. *...allaffigiuk*.

Tamatiguunngikkaluortoq suussusiliilluni allaqqusineq sinaakkutigittinneqartarpoq, soorlu *allaatigisaq, oqal-lissaarut, oqaluttualiorneq, ullorsiut, eqqarsaatissiisut* assigisaallu. Sinaakkutip iluani suliakkiuteqartarpoq, assersuutigalugu *nassuiaruk, assersuuteqarit, isummerfigiuk, tunngavilersukkamik isummerfigiuk* assigisaalluunniit.

¹ *Killiffilersuutit*, Oqaasileriffik 2004.

Suliakkiutit ilaat suussusilernagit toqqaannartumik suliakkiummut apeqqutaasinnaapput, assersuutigalugu *Oqaluttuami Inuttaq ilisaritiguk, pissutsit ullutsinnut sanilliutikkitt / una isummerfigiuk*. Uani assersuutit sharepointimi ujarneqarsinnaapput.

Oqaloqatigiinneq

Misilitsinnissaq sioqqullugu atuartut oqaloqatigiikkuutaanut pingasukkaanut sisamakkaanulluunniit agguasapput.

Oqaloqatigiinnermi misilitsissutissat atuagassartaasa atuaqqissaarnissaat killeqarmat pingaarnersiuinissaq innersuunnarpoq. Oqaloqatigiinnermi tikinneqarsinnaasut tassaapput:

- Suliakkiutit atuagassartaannik atuaqatigiinneq.
- Suliakkiutit ataasiakkaat qulequtaat, sammisaat, assitaat.
- Suliakkiutit oqaasertaasa paasinissaat qulakkeerniarlugu oqaloqatigiinnerit.
- Suussutsip ilisarnaatai pillugit oqaloqatigiinnerit.
- Allaaserisassat imarisinnaasaannik allattuigasuarneq (brainstorm).
- Suliakkiutip sammisaata iluani oqaatsit atorneqartartut oqaloqatigiissutigalugillu allattuinerit.

Allattuigasuarfinni (kladde) atuartut atii allaqgassapput. Piareersarneq naammassippat nakkutilliisup katersussavai atuartullu kisimiillutik misilitsiffissaannukaallugit.

Naliliineq

Naliliisut marluusarput, atuartup kalaallisut ilinniartitsisua Ilinniartitaanermilu Aqutsisoqarfiup censorisatut ivertitaa. Censori ilinniartitsisorlu immikkut naliliisarput, censori siulliulluni nalileereeruni atuartut allaaserisaat atuarfimmu nassitussavai ilinniartitsisorlu naliliisinnaangussaaq. Naliliinnermi allattuigasuarfiit pinnatik atuartup allataanna nallilerneqartarpoq. Immikkut illuinnartoqartillugu atuarfiup Aqutsisoqarfimmit akuerineqarnermigut allattuigasuarfiit ilanngullugit nassiussinnaavai.

Naliliinerit karakterinik marlunnik nikingappata taakku marluk akornanniittoq karakteriliunneqassaaq. Naliliinerit karakterinik pingasunik annerusumilluunniit nikingappata atuartitsisup censorillu karakteri isumaqatigiinniutigissavaat. Isumaqatigiinniarnermi atuarfiup pisortaa peqataassaaq. Censorip naliliinnermini allattukkani karakteriliinariinnermini najoqqutarissavai.

Misilitsereernerup kingorna Ilinniartitaanermut Aqutsisoqarfik nalilersuisarpoq, ippinnartoqartillugulu naliliinissamut najoqqutassamik nassiussisarpoq.

Naliliinnermi tunngavissat

Naliliinnermi ilikkagassatut anguniagassat aallaviussapput. Atuartup allataa tamakkiisumik isiginiarlugu nallilerneqartarpoq, uanilu allatap immikkuualuttui immikkut isiginiareeraanni ataatsimoortinnerisigut atuartup allataa karakterilerneqassaaq. Allatap immikkuualuttui isiginiarneqartarput immikkuualuttummi ataasiinnaap atuartup allataa ajornerulersissanngilaa, assersuutigalugu allatap imaa pitsaagaluarluni eqqortumik killiffilersuuteqanngimmat annikitsuinnarmik naleqqutinngitsumillu karakterilerneqarsinnaavoq.

Naliliinnermi tunngaviit immikkut tamarmik piumasagaatinut sanilliunneqassapput ataatsimullu oqimaqatigiisinnerisigut karakteri aalajangiunneqassalluni. Naliliinnermi tunngaviupput:

- Suliakkiutip akinera
- Allaaserisap ilusaa imarisaalu
- Suussutsimik eqqumaffeqarluni allanneq
- Tulleriinnilersuineq

- Oqaatsit paasinartut, ersarissut allanngorartullu
- Allaaseq killiffilersuutinillu atuineq

Suliakkiutip akinera

Atuartup allaaserisaata pitsaassusaa tassaavoq, atuartup pisinnaasassaminik atuinermigut suliakkiummik naammassinnilluni iluitsunngortitsinera. Suliakkiutaasut ilaannaanik allanneq suliakkiummik naammassinertut taaneqarsinnaangilaq.

Suliakkiutini oqaluutit iliuseqaqqusisut isiginiagassaapput *ilisaritiguk, assersuusiorit, sanilliusigit, isummersorit* assigisaallu. Suliakkiutit marluuppata pingasuuppataluunniit atuartup taakku tamaasa akissavai. Taakku saniatigut atuartut atuartussaminnut oqaatsimikkut tulluarsarsinnaasariaqarput.

Suliakkiummik naammassinninnerup saniatigut allatap immikkuualuttui allat isiginiarneqassapput, nalilinnermimi immikkuualuttoq ataasiinnaq tunngavigineqarsinnaangimmat.

Allaaserisap ilusaa imarisaalu

Atuartup allaaserisaa iluitsutut isigalugu nalilernerqassaaq, atuartup suliakkiutip suliarinerani qularnaatsumik allanngorartumillu sammisamik allaatiginnissinnaanera misilinnerqarmat. Naliliinnermi allaaserisap ilusaa imaalu ataatsimut isiginiarneqassapput, tassa atuartup takorluukkanik, misigissutsinik, eqqarsaatinik, misilittakkanik, ilisimasanik, naliliisinnaanermik naleqqiussisinnaanermillu allaaserisamini takutitsisinnaanera naliliinnermi ilaatinneqassammata. Taakkunanga allaaserinnissinnaaneq allaaserisap siunertaanut naleqqutissapput, ataqatigiillutik atuartussanullu aalajangersimasunut naleqqussagaallutik.

Allaaserisani naliliinnermi allaatsimik eqqortumik atuinngitsoornerit, ullorsiummillu allannermi ulluinngitsoornerit atuartut allataannik ajornerulersitsissangillat. Taakku allaaserisap ilusaanut tunngapput allaaserisallu imaanut naleqqiunneqassallutik.

Suussutsimik eqqumaffeqarluni allanneq

Suliakkiutit sisamaappata tallimaappataluunniit sapinngisamik assigiinngiaartinneqartarput, amerlanerillu suussusilerlugit allaqquneqartarput. Atuartoq oqaluttualioqquneqarsinnaavoq piviusumilluunniit tunngavilimmik allaqquneqarluni.

Atuartut atuakkiortuissuartut tusagassiortuittulluunniit allannissaat naatsorsuutigineqanngilaq, uanili pingaarpoq suussutsit tunngaviummik ilisarnaataanik ilisimasaqarnissaq. Allaatiginnikkaanni paasissutissiineq qitiussaaq, isummersortunik allassagaanni pingaartit tunngavilersorlugit allassinnaaneq takutinneqassaaq, isumaliutiginnittunik allassagaanni, soorlu ullorsiuutit allakkallu isumaliutiginnissinnaaneq takutinneqassaaq.

Suussutsimik eqqumaffeqarluni allanneq allannerup immikkuualuttuinut ilaavoq, taannaannarlu tunngavigalugu naliliisoqarsinnaangilaq, immikkuualuttut allat aamma isiginiarneqassapput.

Tulleriinnilersuineq

Allaaserinninnermi atuartup paasinartumik ersarissumillu apeqqummik akisinera, suussutsimik eqqumaffeqarnera, atuartussamullu allataminik tulluarsaasinnaanera pingaaruteqarput. Aammali pingaarpoq isumassarsiornermit naammassinissap tungaanut allannissap piareersarnera.

Allaaserisaq pitsaasarpoq imarisamigut sumut tamaanga pisseqattaarani ataqatigiissaarluagaagaangami. Atuartup piareersarluarnermigut ataqatigiissumik allannissani anguniarsinnaavaa, soorlu allatassami imai allattorlugit, qanorlu tulleriinnilersorlugit allannissaannik isumassarsioqqaarsimagaangami.

Oqaatsit paasinartut, ersarissut allanngorartullu

Oqaatsit paasinartut assigiinngitsunik ilisarnaateqarput. Atuartup oqalunnermi allannermilu oqaatsinik atuerit immikkoortissinnaassavai. Sammisap iluani oqaasertussuseq, assersuutigalugu mingutsitsinerup iluani oqaatsinik atuisinnaaneq allanngorartitsinerlu, tassa oqaatsinik imminnut qanittunik assigiinngitsunilli atuisinnaanera assigisaallu.

Atuartup suussutsip ilisarnaataanik eqqumaffeqarluni allassinnaanera uani aamma pineqarpoq. Oqaatsit siunertamut naleqqussarsimasut tassaapput allaatigisamik allannermi atuortoq paasissutisseerpalaarluni allannera, oqaluttualioruni oqaluttuat ilisarnaataanik atuilluni allassinnaanera, atuartut immisulli isumaqaqqullugit sunnernerunigit isummaminik tunngavilersuisinnaanera assigisaallu.

Atuartup kimut sumulluunniit allannermini atuartussaminut oqaatsini aamma tulluarsarsinnaassavai. Ilisarisimangisaminut allakkanik allannermini oqaatsini tulluarsassavai, oqaluttualiornermi atuartussat ti-guarsinnaajumallugit oqaatsinik atuisinnaanera assigisaallu.

Oqaatsinut ilaapput isummat nalorninaatsut, isummat assigiinngitsut imminnut ataqatigiissaakkat, sammisamit sammisamut nutaamut ikaarsaarnermut ersaritsuliorsinnaaneq assigisaallu.

Allaatsimik killiffilersuutinillu atuneq

Atuartut paasinartumik ersarissumillu allassinnaangorsimagaangamik eqqortumik allaatsimik killiffilersuutinillu atuisinnaalersimasarput.

Allaatsimik eqqunngitsumik atuerit assigiinngitsunik nalilersorneqassapput. Allaaserisat annertuumik eqqunngitsumik allaatsimik atuigaangamik allataq paasiuminaassinnaasarpoq, ilaatigulli nalornisumik allaatsimik pigiliussisimagaangamik allataat siunertaallu paasinarsinnaasarput. Kukkunerit ataasiakkaat na-laatsornerinnakkut kukkunerusut annikinnerusumik atuartup allagaanut sunniuteqartarmata annikinnerusumik isiginiartariaqarput.

Allattariarsorluni misilitsinnermi naliliissut ilanngussami 1-mi takuuk.

Qarasaasiamik atuneq

Allattariarsorluni misilitsinnerminni assammik qarasaasiamilluunniit allattoqarsinnaavoq. Qarasaasiamik allannermi Kukkunიაat ator-neqarsinnaavoq. Internetimut attaveqaqqusaanngilaq.

Ikiuutinik atuneq

Ordbogit, oqaloqatigiinnermit allattukkat allallu ujarlerfissiat ator-neqarsinnaapput.

Oqaluttariarsorneq

Misilitsinneq piareersarnertaqarlunilu saqqummiinertaqarpoq. Kisimiilluni misilitsittoqarsinnaavoq an-nerpaamillu pingasunik inulinnik misilitseqateqatigiittoqarsinnaalluni. Atuartut ilinniartitsisullu namminneq piareersarnissamut saqqummiinissamullu piffissaliissapput.

Kisimiilluni misilitsinneq:

- 20-40 minutsit piareersarnermut atorsinnaapput
- 20-40 minutsit saqqummiinermut atorsinnaapput


Misilitseqatigiit:

- 40-60 minutsit piareersarnermut atorsinnaapput
- 20-40 minutsit saqqummiinermut atorsinnaapput

Misilitsissutissat suliarineqassapput Nalunaarut nr. 3, 9. Januar 2009-meersoq § 64 imm. 5 malillugu:

- Oqaluttariarsorluni saqqummiinermi pisinnaasat aamma allaaserisanik nalunaaruteqariaatsinillu allanik nassuiaasinnaaneq, allaaserisanik misissueqqissaarisinnaaneq, allanut sanilliussisinnaaneq suliassiissummillu naliliisinnaaneq misilinneqassapput.

Misilitsissutissat pisinnaasat qaffasissusaannik pingasunik ersersitsipput *nassuiaasinnaaneq* (redegørelse), *misissueqqissaarineq sanilliussineq naliliisinnaanerlu*.



Misilitsissutissat ilinniartitsisup suliarissavai. Misilitsissut aallaavigalugu atuartut makitamik imaata pingaarnersaanik paasinninnertik takutissavaat. Uani pisassiissutit kiisalu kalaallisut atuartinneqarnermik pisarsiat aallaavigalugit misissueqqissaarneq, isumasiuineq kiisalu naleqqiussineq takutinneqassapput. Misilitsinnermi piumasaqaataasut ilikkagassatut anguniagassanik toqqammaveqassapput, soorlu makkunanga:

- Oqaloqatigiinnerni, suleqatigiinnerni oqallinnernilu oqaluinnarluni oqaatsinik qularnaatsumik, allanngorartumik isummanillu tunngavilersuisumik atuisinnaalissapput,
- Oqaloqatigiinnerni oqaluunnernilu allat oqaluinnarlutik saqqummiinerini tusarnaarluarsinnaalissapput ammasuullutik, paasiniaasuullutik nalilersuisuullutillu,
- ... paasiniaaqqissaarnerit (analytiske) tunuliaqutaralugit allatanik nalunaariaatsinillu nassuiaasersuisinnaassasut, naliliisinnaassasut sanilliussisinnaasullu
- ... allatat nalunaariaatsillu allat suunerinik, attaveqarnerinik, ilusilernerinik, oqaluttuartaaisa inis-simanerinik, saqqummeriaasiinik, sammisaannik tunngaviinillu, oqaasiinik periaasiinillu kiisalu isumaannik nassuiaatiginnissinnaassasut

Misilitsissutissat pisassiissutinut attuumassuteqassapput.

Pisassiissutit

Pisassiissut ukiup ingerlanerani sammisimasanut takussutissaavoq, quppererillu nalinginnaasut 80-100 nalunaarutigineqassapput.

- Allatani qupperernerup nalinginnaasup ataatsip naligaa naqinnerit 1300-t

- Taallani qupperunerup nalinginnaasup ataatsip naligaa taallap titarneri 30-t

Ukiup ingerlanerani atuarsimasat tamakkerlugit pisassiissutigineqassanngimmata toqqartorlugit nalunaarutigineqassapput. Ilinniartitsisup qulakkiissavaa pisassiissummi sammisat misilitsissutissat sammisaannut attuumassuteqarnissaat, censorillu tamanna qulakkiigassaasa ilagaat. Pisassiissutit misilitsissutissanut toqqammaviummata atuartut pisassiissummiq immersueqataanissaat inatsimmiippoq.

Pisassiissut atuartut pissavaat, atuarfiullu pisortaata atsiornermigut akuerissavaa. Pisassiissut kingusinnerpaamik majip aallaqqaataani Aqutsisoqarfimmit censorimillu tiguneqareersimassaaq.

Pitsaassaaq atuarfiup pisortaata atsiunnginnermini kalaallisoortitsisumik misilittagalimmik peqateqarluni piffissaatillugu amigaatit kukkusallu pisassiissummittut misissorpatigit.

Pisassiissummi atuakkiortup aqqa, atuakkap aqqa, ukioq saqqummerfia, atuakkamik saqqummersitsisoq, internetikkullu aasaappat nittartakkap aallerfiup adressea.

Pisassiissutit tamatiguussapput assigiinngiaarlutillu, uku iluinniissinnaallutik:

Allaatigisat nalinginnaasut nutaanerusut	Taallat	Piviusunik tunngavillit	Saqqummeeriaatsit allat isiginnaartsitsisusiallu	Suliat annertunerusut pingasut
-Takorluukkiat -Oqaluttuatoqqat -Naatsukullaliat -Titartakkat tullerijiat -Oqaluttuat, soorlu -eqqaamasalersaarutit -ullorsiutit -Allatat naatsuliat -Saqqummiussassatut allatat -oqaluttualiat -qiaaminartut	taallat	-Avisit, sapaatit akunneranut imlt. qaammammut saqqummersartut assigiinngitsunik suussusillit: -oqallissaarutit, -isumaliutersuut -oqaaseqarfiginnittut -atuartartut allagaat -nutaarsiassat -allaatigisat Allat: -nittartakkat -voxpovit -ussasaarutit -tusagassiorfinit assit	-isiginnaartitsissusiat -assilissat, -tusarnaagassiat -isiginnaartitsissutit -nipilersuutit takutitasiat -ussasaarutit assit aalasuliallu -isiginnaagassiat naatsukullaat, -qarasaasiakkut pinguaatit -eqqumiitsuliat -qalipakkat -collage -nutaarsiassat -piviusulersaarusiat -paasissutissiinerit -oqallinnerit assigisaallu	-Takisuuuliaq, Takorluukkiat imlt. Eqqaamasalersaarut -Katersat: - Taallat imlt. oqaluttualiat katersanngorlugit saqqummersitat -CD-p imlt. nuussuup taallartai -isiginnaagassiaq

Saqqummeeriaatsit allat kiisalu *Suliat annertunerusut pingasut* pisassiissutit qupperunerinut 80-100-nut ilaatinneqassanngillat pisassiissutinili nalunaarutigineqassapput.

Pisassiissutit tamatigoorlutillu assigiinngiaartuunissaannik piumasaqaatip siunertaraa qulequttat ataanni suussutsit assigiinngitsut oqimaaqatigiimmik atuartitsissutigineqassat. Assersuutigalugu *Allaatigisat nalinginnaasut nutaanerusut* ataanni oqaluttuatoqaannangajaviit, *piviusunilluunniit tunngavilinni* oqaluttuarisaane-riinnangajaviit pisassiissutigineqassanngillat.

Allaatigisat nalinginnaasut nutaanerusut ataanni oqaluttuat nutaannginnerusut oqaluttuatoqqalluunniit mattunneqanngillat, taakkuli sammitillugit atuartut ulluinnarni inuunerannut attuumassusernissaat pingaarpoq. *Taallat* pisassiissutigineqartut allanut naleqqiullutik quppernikinnerusarput.

Piviusunik tunngavillit aviisineersuusarput, atuagassiaasarput qaammammulluunniit saqqummersartuullutik, nittartagaasinnaapput oqaluttuarisaanermulluunniit tunngallutik.

Saqqummeeriaatsit allat tassaapput allataanatit assilissat, filmiaqqat assigisaalluunniit. Taakku pisassiissutit quppernerinnut 80-100-nut ilaanngikkaluarlutik nalunaarutigineqassapput. *Isiginnaartitsissusiat* allatanngorlugit naqitat atuarsimagaanni pisassiissutit quppernerinut ilanngussinnaapput.

Suliat annertunerusut pingasut ilaassapput. Taakkunani pingasuni minnerpaamik ataaseq kalaallimit suliarneqarsimassaaq. Katersat tassaasinnaapput atuakkiortumit ataatsimit arlalinnilluunniit taalliat naatsukullaalluunniit katersanngorlugit saqqummersitat, taallat oqaluttuallu aalajangersimasumik sammisallit, ukiuni aalajangersimasuni suliaasimasut assigiinngitsut assigisaalluunniit. Sulianut annertunerusunut ilaapput cd-mi nuussuarmiluunniit ataatsimi taalliat, filmit sulianut annertunerusunut ilaatikkaanni sukumii-sumik sammineqarsimassapput, allamiut atuakkiat kalaallisuunngortitat tusarnaagassialluunniit.

Misilitsissutissat

Misilitsissutissat atuartitsinermi sammineqarsimangitsut ilinniartitsisup suliarissavai. Misilitsissutissat pisassiissutit sammisaannut assigiinngitsunut attuumassuteqassapput assigiinngiaassallutillu. Misilitsissutissaq ataaseq marloriaannarluni makitassiarineqarsinnaavoq. Atuartoq misilitsiqatigiilluunniit ataatsit minnerpaamik sisamanik makitassaqqassapput, aamma kingulleq / kingulliit. Misilitsissutissat tamarmik atoqqitaagaluarunilluunniit immikkut akimut ersinngitsunik normoqassapput.

Misilitsissutissanut tunngatillugu eqqumaffissat assigiinngitsuupput: Ilikkagassatut anguniagassanut tulluassapput, oqippallaassanngillat oqimaappallaaratillu.

Atuartut pisinnaariigaat eqqumaffigineqassapput, soorlu ukiui, kinaassusaat kulturikkullu tunuliaqutaat, oqaatsit, misilitsissutissap oqimaassusaa annertussusaa:

- Atuartut ukiui, kinaassusaat kulturikkullu tunuliaqutaat eqqarsaatigalugit makitassat sammisaat atuartut ulluinnarni inuunerannut qanissapput, attuumassuteqarlutik atuartunillu ilisarsiffigineqarsinnaallutik. Pisinnaariikkat eqqarsaatigalugit atuarnermi samminikuunngisat misilitsissutigineqarnissaat innersuunnanngilaq, assersuutigalugu isumaliutersuut (kronik) sammineqarsimangippat makitassiarineqassanngilaq.
- Makitassat oqaasertaat ulluinnarni atuartunit atorneqanngitsut ordboginiinngitsullu atuakkip imaata paasinnaanut naalliissanngippata nassuiarneqassapput, soorlu oqaaseq nalunaariarlugu ataatigit nassuiaataa allallugu. Tassaasinnaapput ussasaarutini oqaasersiat oqaatsilluunniit takornartat, oqaluttuatoqqani atuakkaniluunniit nutaannginnerusuni oqaatsit atuartunit ulluinnarni atorneerussimasut ordboginiinngitsullu.
- Misilitsissutip oqimaassusaa pineqartillugu makitassap pisinnaasat qaffasissusaat pingasut tamaasa imarisinnaasariaqarpai, taamaaliornikkut atuartut tamarmik inissaqartinneqassammata:
 - Nassuiarneqarsinnaassaaq, uani atuartut tamarmik inissaqartinneqarput.
 - Misissoqqissaagassaaq. Atuartut toqqaannartumik oqaatigineqanngitsunik namminerli inerniliinikkut isumasiuisinnaasut periarfissinneqassapput.
 - Makitami qulequttat ersertut sanilliuneqarsinnaassapput, soorlu qulequttanut sammisimasanut, ulluinnarni atuartut inuunerannut, nunarsuarmi pisunut assigisaannullu.

- Misilitsissutissaq ataaseq naammaginartumik takissuseqassaaq. Piareersarnermi atuartup arlaleri-arluni atuarsinnaassavaa eqqaamasassaminillu allattuilluni. Misilitsissutissaq atuagassaanani takuti-tassiaappat arlaleriarlugu takunissaanut periarfissaqassaaq, aamma taamaappoq misilitsissutissaq tusarnaagassiaatillugu.

Misilitsinnerup ingerlanera

Kisimiilluni arlaliulluniluunniit misilitsinnissamut piffissaq aaqqissuutissaaq:

- Piareersarneq
- Misilitsinneq
- Naliliineq karakteriliinerlu

Piffissaq atorluarumallugu qaleriissaattumik iluarsisoqarsinnaavoq. Kisimiilluni misilitsinnermi atuartut ilinniartitsisullu saqqummiinissamut 20 minutsit isumaqatigiissutigippatigit, taakku iluini misilitsinneq naliliinerlu pissaaq.

Init piareersarfiit misilitsiffillu

Piffissaq qaleriissaakkaanni init marluk piareersarfiussapput pingajuallu saqqummiiviulluni.

Inini piareersarfinniissapput nalunaaqutaq, aqerluusaq ordbogillu akuerisat atuartullu ulluinnarni ator-tagat, pappilissat saqqummiiviusumut nassatassat.

Inimi misilitsiffiusumi misilitsissutissamik makitsisoqassaaq, makitassat akimut ersissanngillat makitsiner-milu ilinniartitsisoq censorilu najuutissapput. Misilitsinneq ullormi tulluittumi ingerlaqqissappat misilitsissu-tissat inimut pisortalluunniit allaffianut paarnaarunneqassapput.

Atuartut tasketik, atisatik mobilitillu qamillugit inimut misilitsitsiviusumut qimassavaat. Piareersarnermi al-lattugaatini atorsinnaavai pappialalli piareersarnermini allattukkani kisiisa tunngavigalugit misilitsissaaq.

Atuartup allattugaatai

Tassaapput atuartut namminneq suliaqarnerminni ilinniagasserinerminniluunniit allattugaat.

Allattugaatit atuagaanngillat suussusilerinernut atuakkiortunulluunniit tunngassutillit, imaluunniit atuakkani misissueqqissaarutitut malitassat assigisaalluunniit kopiikkat.

Misilitsinnermi saqqummiineq, oqaloqatigiinneq naliliinerlu

Misilitsinneq kalaallisut ingerlassaaq. Ilinniartitsisup censorillu iluminni isumaqatigiissutigeriissavaat cen-sorip qanoq annertutigisumik qaqugukkullu oqaluttarnissaa.

Naliliinissamut ilinniartitsisoq censorilu allattuissapput, naliliiniarnermilu misilitsittut isersimassanngillat. Atuartut immikkut tamarmik nalilerneqassapput, tamanna aamma atuuppoq suleqatigiillutik misilitsittuni. Karakteri atuartut kisimiisillugit tunniunneqassaaq, aamma taamaappoq misilitseqatigiinni.

Suleqatigiilluni misilitsinnginnermi atuartut misilitsinnerup ingerlanissaannik paasitinnerqarluassapput. Atu-artut inuttut ataasiakkaatut pisinnaasaat ersersilluaqqullugit tamarmik saqqummiissapput, suliasallu ag-guataarneqassallutik, soorlu aallarniinissat, saqqummiussassat naggasiinissallu, uanilu nukittuffiit aallaavi-galugit agguataartoqarsinnaavoq.

Naliliineq isumaqatigiinngissutaatillugu atuarfiup pisortaa peqataatinneqassaaq. Isumaqatigiinniarnaq misilitsinnerit marluk akornanni pissaaq. Censorip misilitsinneq naammaginngikkuniuk misilitsinneq naammassiniariapat atuarfiup pisortaa aqutugalugu naammagittaalliut Aqutsisoqarfimmuut nalunaarutigissavaa. Naammagittaalliutip assinganik ilinniartitsoq pisortarlu nassinneqassapput.

Naliliineq

Oqaluttariarsorluni misilitsinnermi angusat ilinniartitsisumit censorimillu nalilerneqassapput. Aqutsisoqarfik censorissanik ivertitsisinnaavoq. Aqutsisoqarfik ivertitsingippat atuarfik censorinik piukkussaminik sapinngisamillu illoqarfiup avataaneersumik ujaasissaaaq. Censorip ilinniakkamigut naammaginantumik piginnaasaqarnissaa atuarfiup pisortaata qulakkiigassaraa.

Censorip misilitsinneq malittarisassat malillugit ingerlanersoq nakkutigissavaa, misilitsinnermilu atuartut naapertuuttumik pineqarlutillu nalilersorneqarnersut qulakkiissallugu. Malittarisassat annertuumik uniorneqartillugit censori Aqutsisoqarfimmut nalunaaruteqassaaq nalunaarunnilu atuarfimmu misilitsiffiusumut kopiisallugu. Censori misilitsinnerup ingerlaneranik nassuiaaqquneqarsinnaavoq.

Misilitsinneq piareerpat misilitsinnerup ingerlanera censorip ilinniartitsisullu nalilissavaat. Naliliinnermi atuarfiup pisortaata peqataaqqunarpoq, naliliinnermi killiffissiuineruvoq aqqitassanik tikkuussisusaaq.

Naliliinnermi iserfigineqarsinnaapput atuartut ilisimasaasa pisinnaasaasalu ilikkagassatut anguniagassanut naleqqiullugit inissisimaffii, pisassiissutit misilitsissutinut attuumassuteqarneri, atuartut misilitsinnermut naatsorsuutaat, misilitsinnermi iluatsittut iluatsingitsullu.

Naliliinnermi tunngavissat

Nalunaarummi piumasaqaat ilikkagassatut anguniagassanik tunngaveqarpoq, atuartup nassuiaanermini, misissueqqissaarinermini, sanilliusinnermini naliliinnerminilu oqaatsinik qularnaatsumik allanngorartitsinera, tunngavilersukkamik isummorsinnaanera, saqqummiinnermini tulleriinnilersuisinnaanera kiisalu oqaloqataasinnaanera misilinneqassapput.

Allattariarsornermisulli atuartup saqqummiinera tamakkiisumik isiginiarneqassaaq. Naliliinnermi saqqummiinnerup immiikkualuttuisa isiginiarneragut ataatsimoortillugit naliliisoqassaaaq, takuuk ilanngusaaq 2-mi immersuiffisaaq:

- Misilitsissutip imaanik paasinninneq nassuiaanerlu
- Misissueqqissaarineq isumasiuinerlu
- Tunngavilersuinikkut sanilliusineq naliliinerlu
- Oqaatsit ersarissut paasiuminartullu
- Tulleriinnilersuineq
- Oqaloqataasinnaaneq

Naliliinnermi tunngaviit immikkut tamarmik piumasaqaatinut sanilliuinnerigut ataatsimut oqimaatigiisillugit karakteriliisoqassaaq. Nalilinnermi tunngaviusup ataasiinnaap saqqummiineq ajornerulersissanngilaa.

Atuartut saqqummiineri sanilliuinnagit saqqummiinerit ataasiakkaat aallaavigalugit karakteriliisoqassaaq.

Misilitsissutip imaanik paasinninneq nassuiaanerlu

Atuartut atuagarsornikkut paasisaminnik saqqummiisinnaanerat qitiuvoq. Misilitsinneq oqaloqatigiinneruvoq, atuartullu misilitsissutiminnik paasinninnertik ilinniartitsisuminnut censorimullu nassuiassavaat.


Atuartut saqqummiinnermini misilitsissutip pingaarnersaanik nassuiaasinnaassapput. Nassuiaanermi sammisami taaguutinik atuneq, oqaatsitigut naleqqussarlunilu allanngorartitsineq, misissuisinnaaneq, tunngavilersuineq, kiisalu eqqarsaatinik inerniliisinnaanermik takutitsineq matumani pineqarput.

Misissueqqissaarineq isumasiuinerlu

Misilitsissutissap saqqummiunnerani atuartup makitami imaata immikkuualuttuisalu pingaarnersaanik paa-sinninnini takutissavaa. Pisassiissutit kalaallisullu atuartinneqarnermi pissarsiat atornerigut misissuisinnaa-neq, isumasiuisinnaaneq naleqqiussisinnaanerlu saqqummiinnermi tunuliaqutaassapput.

Misissueqqissaarinnermi taaguutit pigiliussimassassat tassaasinnaapput oqaluttuani inuttat pissusilersortin-neqarneri, avatangiisit assigisaallu, assini, ussassaarutini tegneserianiluunniit qalipaait, titartaariaaseq assi-gisaallu. Tusagassiuutini allattup siunertaa, atuartussamut sunniiniarneri assigisaallu. Taaguutit pingaarutil-lit allat tassaasinnaapput assersuussinerit, assilianguinerit, isumaqartitat, oqaatsit nuannersungortitsisut nuanniitsungortitsisut assigisaallu.

Misissueqqissaarineq pisinnaasat qaffasissusaasa qeqqanniippoq:



Isiginiagassanut ilaavoq atuartut nassuiaariarlutik misissueqqissaarineq alluinnarlugu naleqqiussinnermut alluinnanginnissaat, oqaloqatigiinnermilu atuartup misissueqqissaarisinnaanera tikinniarneqassaaq.

Naleqqiussineq naliliinerlu

Misilitsissutit isumasiorneragut sammisat ersersinneqartut, soorlu pisut, oqaluttuariaaseq, atuakkiortut, atuakkiortut pingaartitaat assigisaallu atuartup misilitsinnermini sammisimasaminut, ulluinnarni nunarsuar-milu pisunut, inuiaqatigiinni pissutsinut, inooqatigiinnermut tunngasut, atukkanut tunngasut namminer-luunniit ilisimasaminut naleqqiussisinnaanera isiginiarneqassaaq. Naleqqiussinnermi tunngavilersuisinnaa-neq pingaaruteqarpoq. Misissoqqissaagaq aallaavigalugu atuartoq sammisanut assigiinngitsunut tunngavi-lersuilluni naleqqiussisinnaasoq tassaavoq namminersuuteqarsinnaanermik qularani takutitsisoq.

Pisassiissutit misilitsissutissanut attuumassuteqarpata atuartut sammisimasaminnut naleqqiussisinnaanerat aqutissiuunneqassaaq.

Naliliinnermi atuartup inuttat isummersinnaanera isiginiarneqartarpoq. Misilitsissutit imaanut, allariaasaa-nut, oqaluttuariaatsimut, inuit pissusilersortinnerinnut makitalluunniit ilusilersorneranut isummerneq tun-ngasinnaavoq. Uani atuartup isummernini tunngavilersussavaa, tunngavilersuisinnaanerlu ilinniartitsisup censorillu naliliinnerminni isiginiassavaat.

Oqaatsit ersarissut paasiuminartullu

Atuartup oqaluttariarsorluni saqqummiinermini oqaatsinik qularnaatsumik allanngorartumillu atuisinnaanini takutissavaa. Oqaatsit allanngoraraangamik assigiinngiaaraluarlutik isummamikkut imminnut qanittarput.

Matumani makitaq apeqqutaatillugu oqaatsitigut tulluarsarnej, kiisalu misissueriaatsimi taaguutiniq pigilussimanerit, taaguutimmi misilitsissutip isumaata qulaajarnissaanut sakkuupput, ilaatigut nassuiartariaqartartut, ilaatigullu assersuussinikkut takutittariaqartartut, uanilu oqaasertussuseq pingaaruteqarpoq.

Atuartut saqqummiinermini ersarissuliorsinnaanerannut oqaaseqatigiiliorsinnaaneq- ilaavoq, isummat nalorninaatsumik ersarissumik oqaatigisinnaaneri, isummanik ataqatigiissaasinnaaneq inerniliisinnaanerlu.

Tulleriinnilersuineq

Saqqummiineq aaqqissuullugaangaagami iserfiginiakkat tulleriissaarnissai eqqarsaatigineqartarput. Saqqummiineq aallartinnermit naammassinissap tungaanut ataqatigiissaaq. Saqqummiinerup ataqatigiissup illuatungeraa saqqummiussat imarisamikkut imminnut ataqatigiinnatik pisseqattaartut, imaluunniit aaqqissuussamik tulleriinnilersorneqaratik saqqummiunneqartut.

Saqqummiussassap imaa aallaavigalugu tulleriinnilersuineq imminut ataqatigiittoq atuartup pinnaasaqarluarneranik takutitsisuuvoq.

Oqaloqataasinnaaneq

Misilitsinneq oqaloqatigiinneruvoq, atuartullu saqqummiinermini oqaloqatigineqartilluni tusarnaarsinnaanera, oqaloqatimi oqaasii aallaavigalugit eqqartukkaminik tulluarsaasinnaanera assigisaallu uani pineqarput. Ilinniartitsisup censorillu oqaasiinut qisuariarnej, soorlu erseqqissaaqquneqarnermi erseqqissaasinnaaneq, nassuiaasinnaaneq, tunngavilersuisinnaaneq assigisaallu.

Oqaloqatigiinneq ingerlaavassappat ilinniartitsisup censorillu apereriaatsitsik eqqumaffigissavaat, apeqqutimmi ammasut atuartumik oqalutsitsinerusarput, ilinniartitsisullu taamaaliornermigut atuartup pinnaasaminik ersersitsilluarsinnaanera aqqutissiuutissavaa.

Ilanngussaq 1: Nalilersuinermi allattuiffik - Allattariarsorluni misilitsinnermi

	Qularnaalluin- narpoq	Qularnaap- poq	Naammagi- narpoq	Naammagi- nanngilaq
Attaveqarneq				
Takorluukkat, misigissutsit, eqqarsaatit, misilittakkat, ilisimasat suliakkiuummut naleqqussarneqarlutik allaaserineqarput				
Allatap suussusaa allariaaserlu suliakkiuummut tulluarput				
Suliakkiut naammassineqarpoq				
Allataq ataqatigiippoq				
Allataq tulleriinnilersugaavoq				
Sammisamut tulluartumik naliliisinnaaneq, isumaliutiginnissinnaaneq, isummersinnaanerlu				
Oqaatsit				
Oqaatsit sammisamut tulluarsarneqarput				
Oqaatsit atuartussamut tulluarsarneqarput				
Nalorninaapput ersarillutik allanngorarluttillu				
Killiffilersuutiniq atuneq				
Allaatsimik atuneq				

Oqaatigiumasat allat:

Ilanngussaq 2: Nalilersuinermi allattuiffik - Oqaluttariarsorluni misilitsinnermi

	Qularnaalluin- narpoq	Qularnaappoq	Naammaginar- poq	Naammagi- nanngilaq
Attaveqarneq				
Makitap imaanik paasinnineq				
Misissueqqissaarisinnaaneq isuma- siuisinnaanerlu				
Suussutsimik ilisimasaqarneq				
Naleqqiussisinnaaneq				
Nalilisinnaaneq				
Saqqummiinermi tulleriinnilersuisin- naaneq				
Oqaatsit				
Oqaatsinik erseqqissunik, paasinar- tunik, allanngorartunillu atuineq				
Sammisamut oqaatsitigut tulluar- sarsinnaaneq				
Oqaloqataasinnaaneq				

Oqaatigiumasat allat:

Ilanngussaq 3: Allattariarsornermi karakterit oqaasertassaanut siunnersuut

- Meeqqat atuarfiani kalaallisut inaarutaasumik misilitsinneq.

Karakter	Taaguutaa	Nassuiaataa
A	Pitsaasoq	<p>Akissut suliakkiutip piumasaqaataanut naleqqiullugu ersarippoq, tamakkiisuulluni allalluagaallunilu.</p> <p>Akissummi saqqummeeriaaseq suussusiliinerlu tamarmiulluni allatap siunertaanut, allaffigisamut pisumullu tulluarsagaalluinnarpoq.</p> <p>Oqaatsit qularnaapput, allanngorarlutik oqariartaatsillu tulluarluinnarput, oqaatsit allatap siunertaanik ersarillisitsipput. Oqaaseqatigiit qularnaalluinnarput.</p> <p>Allataq imartuvoq ataqatigiillunilu.</p> <p>Tulleriinnilersuineq allatap imaanut suussusaanullu naleqqussagaalluinnarpoq.</p> <p>Allaaseq killiffilersuinerlu qularnaalluinnarput.</p>
C	Ajunngitsoq	<p>Akissut ataatsimut tamaat isigalugu suliakkiutip piumasaqaataanut naleqqiukkaanni paasinarlunilu tamakkiisuuvoq.</p> <p>Akissummi saqqummeeriaaseq suussusiliinerlu ataatsimut tamaat isigalugu allatap siunertaanut, allaffigisamut pisumullu tulluarsagaavoq.</p> <p>Oqaatsit paasinarput annerusumillu ersarillutik, kiisalu oqariartaatsit annerusumik allatap siunertaanut, allaffigisamut pisumullu tulluarsagaapput, oqaatsit annerusumik allatap siunertaanik ersarillisitsipput.</p> <p>Oqaaseqatigiit naammaginantumik qularnaapput.</p> <p>Allatap imaa annertuutigut naammappoq ataqatigiillunilu.</p> <p>Tulleriinnilersuineq tulluarpoq.</p> <p>Allaaseq killiffilersuinerlu naammaginantumik qularnaapput.</p>
E	Naammattoq	<p>Akissut suliakkiutip piumasaqaataanut naleqqiullugu paasinarpoq akueriin-nagassaallunilu.</p> <p>Akissummi saqqummeeriaaseq suussusiliinerlu annertunngitsumik sukkullu tamaana allatap siunertaanut, allaffigisamut pisumullu tulluarsagaavoq.</p> <p>Oqaatsit ataatsimut tamaasa isigalugit paasinarput, sukkullu tamaana oqariartaatsit allatap siunertaanik ersarillisitsillutik.</p> <p>Allatap imaa naammappoq tamakkiinanili.</p> <p>Tulleriinnilersuineq ersarluppoq nalaatsornerullunilu.</p> <p>Allaaseq killiffilersuinerlu sukkut tamaana qularnartortaqarput.</p>

Ilanngussaq 4: Oqaluttariarsornermi karakterit oqaasertassaannut siunnersuut.

- Meeqqat atuarfiani kalaallisut inaarutaasumik misilitsinneq.

karakteri	Taaguutaa	Nassuiaataa
A	Pitsaasoq	<p>Misilitsissutip imaata pingaarnepur paasinera qularnaallunilu tutsuiginarpoq. Misilitsissutip missoqqissaarneragut isumasiuineq eqqorluartoq nassuiarneqarpoq.</p> <p>Kalaallisut atuartitsinermi ilisimasaniq qularnaatsumik atuinnikut tamakkiisumik paasinnineq erserpoq.</p> <p>Naleqqiussineq tunngavilersorluagaavoq, atuartullu kalaallisoortitsinerup imaanik annertuunik paasinninnini takutippaa.</p> <p>Misilitsissutip imaanik naliliineq tunngavilersorluarneqarpoq.</p> <p>Saqqummiussaq tunngavilersorluagaavoq.</p> <p>Oqaasinngiineq ersarillunilu paasiuminarpoq.</p> <p>Oqaatsit nattaqqallisaaratik allanngorarput ersarillutillu.</p> <p>Eqqummaariffeqarluni tunngavilersuilluarnikkullu ilisimasat pillugit oqaloqatigiittoqarpoq akisoqartarlunilu.</p>
B		
C	Ajunngitsoq	<p>Misilitsissutip imaata pingaarnepur paasinera ersarippoq.</p> <p>Misilitsissutip missoqqissaarneragut isumasiuineq ataatsimut tamaat isigalugu eqqortumik nassuiarneqarpoq.</p> <p>Kalaallisut atuartitsinermi ilisimasaniq atuineq ajorisassaannngitsumik qularnaappoq.</p> <p>Naleqqiussineq ajorisassaannngitsumik tunngavilersugaavoq, atuartullu kalaallisoortitsinerup imaata ilaanik paasinninnera erserpoq.</p> <p>Misilitsissutip imaanik naliliineq ilaatigut tunngavilersorluagaavoq.</p> <p>Saqqummiussaq tulluurtumik tulleriinnilersorneqarpoq.</p> <p>Oqaasinngiineq ajorisassaananik ersarippoq paasiuminarlunilu.</p> <p>Oqaatsit paasinarput ajorisassaannngitsumillu ersarillutik.</p> <p>Ilaatigut eqqummaariffeqarluni ajorisassaannngitsumillu ilisimasat pillugit oqaloqatigiittoqarlunilu akisoqartarpoq.</p>
D		
E	Naammattoq	<p>Misilitsissutip imaata taassumalu immikkuualuttuunik pingaarnepur paasinnineq akueriinnartariaqarpoq.</p> <p>Misilitsissutip isumasiornera missoqqissaarneralu qularnarpoq akueriinnartariaqarlunilu.</p> <p>Kalaallisut atuartitsinermi ilisimasaniq atuineq qularnarlunilu nalaatsornikkut pisarpoq.</p> <p>Naleqqiussineq amigarpoq, kalaallisoortitsinerullu imaanik tamakkiisumik takunnissinnaaneq paasinninnerlu amigaatiginarlutik.</p> <p>Misilitsissutip imarisaanik naliliineq naappoq tunngavilersugaananilu.</p> <p>Saqqummiineq ersarlunilu paasiuminaappoq.</p> <p>Oqaatsit paasinarsinnaapput ersarissinnaallutillu.</p> <p>Oqaloqatigiinneq atuartup aperineqarnermigut naatsumik akisarneragut ingerlaneruvoq.</p>
Fx		
F		